



Broj:07-06-05-~~9791-1~~/17
Sarajevo, 28.04.2017. godine

SKUPŠTINA KANTONA SARAJEVO
Služba za skupštinske poslove

PREDMET: Odgovor na zastupničko pitanje,

Zastupnik u Skupštini Kantona Sarajevo Kemal Ademović je na 26. radnoj sjednici Skupštine Kantona Sarajevo održanoj dana 22.03.2017. godine u okviru tačke dnevnog reda "Zastupnička pitanja, inicijative i odgovori" pokrenuo zastupničku inicijativu za izmjenu Zakona o šumama Kantona Sarajevo:

Da se u članu 72. stav (2) Zakona o šumama Kantona Sarajevo izvrše dopune:

" Za prekršaj iz stava (1) ovog člana kaznit će se sa novčanom kaznom u visini od 200 do 300 KM odgovorno lice u pravnom licu, odnosno čuvar šuma ukoliko ne preduzima potrebne mjere iz člana 58. stav (6) Zakona "

Odgovor:

Radno-pravni status čuvara šuma regulisan je lex specialis Zakonom o namještenicima u organima državne službe u Federaciji BiH ("Sl. novine FBiH" broj:49/05) i Zakonom o radu (Sl. novine Federacije broj: 62/15) u onom dijelu koji nije regulisan Zakonom o namještenicima.

- U skladu sa Zakonom o namještenicima čuvari šuma su namještenici u organima državne službe kao i svi drugi zaposlenici (SSS i VŠS) na svim razinama vlasni u Federaciji BiH od nivoa općina preko kantona do Federacije BiH.
- Na sve namještenike u organima državne službe u Federaciji BiH primjenjuje se naprijed navedeni Zakon pa i na čuvar šuma zaposlene u Ministarstvu privrede – Uprave za šumarstvo.
- Čuvari šuma kao i svi namještenici odgovorni su za obavljanje svojih poslova koje su dužni vršiti na svom radnom mjestu u ovom slučaju zadaci su propisani članom 58. stav 6. Zakona o šumama Kantona Sarajevo i Pravilnikom o unutrašnjoj organizaciji.
- Kako je naprijed navedeno čuvari šuma su namještenici i za povrede službene dužnosti prilikom obavljanja poslova iz opisa radnog mjesta podliježu disciplinskoj odgovornosti propisanoj od člana 51. do 67. Zakona o namještenicima u organima državne službe u Federaciji BiH i odgovornosti za materijalnu štetu propisanu članom 69. navedenog zakona. Takođe za propuste u radu koji predstavljaju krivično djelo odgovorni su prema krivičnom zakonu Federacije BiH.

Prema navedenoj inicijativi za izmjenu Zakona o šumama Kantona Sarajevo čuvari šuma zaposleni u Ministarstvu privrede - Uprave za šumarstvo bi u odnosu na sve namještenike u Federaciji BiH (zaposleni u općinama, kantonima i Federaciji BiH) bili diskriminirani.

Naime nijedan drugi zakon ne propisuje da se namještenici zaposleni u općinama, kantonima i Federaciji BiH zbog propusta učinjenih na radnom mjestu novčano kažnjavaju već se odgovornost utvrđuje na način kako je to propisano od člana 51. do člana 69. Zakona o namještenicima, a za krivična djela kako je to propisano krivičnim zakonom.

Takođe prema inicijativi za izmjenu zakona odgovornost za propuste prilikom obavljanja službenih poslova postojala bi samo kod čuvara šuma (namještenika), a nigdje se ne postavlja pitanje odgovornosti njihovih neposredno nadređenih, načelnika odjeljenja (državnih službenika) i direktora Uprave za šumarstvo.

Što znači da bi za propuste u radu odgovarali prema predviđenim izmjenama zakona samo čuvari šuma.

Članom 58. stav 6. Zakona o šumama Kantona Sarajevo od tačke a) do tačke n) propisan je cijeli niz dužnosti čuvara šuma prilikom obavljanja poslova te se postavlja pitanje zašto se traži novčana kazna za sve tačke iz zakona i ko je taj ko će utvrđivati odgovornost za propuste i izricati novčane kazne jer to bi bilo u koliziji sa gore navedenim Zakonom o namještenicima u organima državne službe u Federaciji BiH da se za sve propuste čuvarima šuma izriču novčane kazne. To bi značilo da čuvari šuma više odgovaraju licu koje bi utvrđivalo postojanje prekršaja i kažnjavalo u odnosu na načelnike odjeljenja.

Isto se postavlja pitanje nejednake odgovornosti za propuste u radu, naime nadređeni u Ministarstvu privrede – Uprave za šumarstvo za propuste u radu iz člana 58. stav 6. Zakona o šumama Kantona Sarajevo mogu samo postavljati pitanje odgovornosti u skladu sa Zakonom o namještenicima propisanim od člana 51. do 69., a prema predloženoj inicijativi predviđeno je da ih za iste propuste kažnjavaju novčano u iznosu od 200,00 do 300,00 KM što predstavlja koliziju u postupanju za isti propust.

Takođe ovom inicijativom predviđeno je da sve dužnosti čuvara šuma koje su propisane Zakonom o šumama Kantona Sarajevo članom 58. stav 6., a ukoliko isti naprave neki propust budu tretirane kao prekršaj i da se novčano kažnjavaju što prema istim predstavlja jedan vid diskriminacije u odnosu na druge namještenike zaposlene u ovom i drugim organima državne službe.

Što se tiče člana 72. Zakona o šumama Kantona Sarajevo isti propisuje novčane kazne za korisnika šuma ili druga pravna lica koji ne postupaju u skladu sa navedenim zakonom.

Korisnik šuma u Kantonu Sarajevo je KJP "Sarajevo-šume", a druga pravna lica su privredna društva koja su kod nadležnog suda registrovana za obavljanje određenih poslova u šumarstvu (član 3. tačka 11. Zakona o šumama Kantona Sarajevo)

Znači isti ne propisuje odgovornost Ministarstva privrede-Uprave za šumarstvo, a za prekršaje iz stava 1. od tačke 1. do tačke 30. prema inicijativi za dopunu zakona izvršile bi se izmjene tako što bi se novčana kazna koja je sada propisana zakonom od 2.000,00 KM do 3.000,00 KM za odgovorna lica u KJP "Sarajevo-šume" i drugim pravnim licima smanjila na 200,00 KM do 300,00 KM što bi predstavljalo upravo suprotno onom što je navedeno u obrazloženju inicijative za dopune zakona jer bi mala kazna za odgovorne u gore navedenim društvima samo djelovala stimulatивно da se ne pridržavaju zakona prilikom obavljanja poslova iz svoje nadležnosti za propuste iz stava 1. navedenog zakona.

Zakon o šumama Kantona Sarajevo donijet je 2013. godine kao prelazno rješenje jer Federacija BiH nije donijela navedeni zakon kako bi uredila ovu oblast, a sve da se propišu mjere upravljanja i gospodarenja svim šumama i šumskim zemljištima na području Kantona Sarajevo i spriječi potpuna devastacija šumskog fonda.

U međuvremenu Federacija BiH je usvojila nacrt Zakona o šumama provela javnu raspravu o istom te se očekuje ubrzo da se na pralament uputi i prijedlog novog Zakona o šumama.

Istim takođe nigdje nije propisane da se čuvari šuma kažnjavaju novčanom kaznom na način kako je to predloženo ovom inicijativom.

Iz svega naprijed navedenog vidi se da je neophodno tražiti u okviru postojećih zakona modalitete uspostavljanja potpune odgovornosti u radu prilikom obavljanja poslova ne samo čuvara šuma već i njihovih nadređenih jer prema predloženoj inicijativi isti nebi bio uspostavljen prema svima na jednak način iz razloga koje smo vam gore naveli.



MINISTAR

Dr Muharem Sabić

Dostavljeno:

1. Naslovu,
2. Vladi Kantona Sarajevo/Stručnoj službi Vlade KS,
3. Evidenciji,
4. a/a.



web: <http://mp.ks.gov.ba>
e-mail: mp@mp.ks.ba;
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1

